



Här Mars di Bartolomeo  
President vun der Chamber

Lëtzebuerg, den 4. Mee 2018

Här President,

Esou ewéi den Artikel 80 vum Chambersreglement et virgesäit bieden ech Iech dës parlamentaresch Fro iwwert den EU-Agrarbudget un den Här Landwirtschaftsminister weiderzeleeden.

Den EU-Budgetskommissär Günther Oettinger huet kierzlech den EU-Finanzplang fir den Zäitraum vun 2021 bis 2027 virgestallt.

Et ass geplangt, Finanzmëttel fir déi gemeinsam Agrarpolitik em 5% ze kierzen.

Wuelwëssend, dass déi europäesch Landwirtschaft ënner grousssem Wettbewerbsdrock steet an déi lëtzebuergesch Landwirtschaft nëmme bedéngt konkurrenzfäeg ass, wollt ech dem Här Landwirtschaftsminister dës Froe stellen:

- Wei ass Positioun vun der lëtzebuergesch Regierung zu der geplanter Kierzung am EU-Agrarbudget an huet si wëlles sech géint dës Kierzungen anzesetzen
- Am Fall wou et zu der Kierzung vu 5% vum EU-Agrarbudget sollt kommen, wéi eng Méiglechkeet besti fir lëtzebuergesch Landwirtschaft zousätzlech ze ënnerstëtzen
- Wei eng vu dësen Méiglechkeeten gedenkt Regierung an d'Aen ze faassen?

Här President, ech bieden Iech mäin déifste Respekt unzehuelen.

Martine Hansen  
Députéiert

|  |        |
|--|--------|
| Ministère de l'Agriculture,<br>de la Viticulture et de la<br>Protection des consommateurs, 2 |        |
| Référence  | 319/18 |
| 16 MARS 2018   |        |
| A. Mars  |        |



**Réponse de Monsieur le Ministre de l'Agriculture, de la Viticulture et de la  
Protection des consommateurs à la question parlementaire n° 3796 de  
l'honorable Députée Madame Martine Hansen**

---

**Wei ass d'Positioun vun der lëtzebuerger Regierung zu der geplangter Kierzung  
am EU-Agrarbudget an huet si wëlles sech géint dës Kierzungen anzesetzen?**

Ech wollt an dësem Kontext eng Kéier ënnersträichen dat d'Gemeinsam Agrarpolitik déi  
éischt gemeinsam Politik um Niveau vun der EU war. Si ass also am Prozess vun der  
europäescher Integratioun en ganz wichtegt Element gewiescht an ass dat och nach  
haut.

Och dowéinst hu mer eis, zesummen mat enger ganz grousser Majoritéit vun  
Memberstaaten am Agrarministerot ëmmer fir en robusten Agrarbudget an der EU  
ausgesprach, den eisen héijen Ambitiounen an den villen Defien, déi op eis  
duerkommen, gerecht muss ginn, sief et am Beräich vum Ëmwelt- a Klimaschutz, mais  
och en Vue vun der Mondialisatioun, déi zu enger ëmmer méi ausgeprägter Volatilitéit  
op den Mäert féiert.

Am Laf vun der Zäit sinn an der Europapolitik aner Politikberäicher dobäi komm, ewéi  
d'Strukturentwécklung, sozial an territorial Kohesioun, Recherche, Erasmus, Life asw.  
Den Drock op de Budget an op seng Verdeelung ass méi grouss ginn. Den Undeel vum  
EU-Budget deen an d'GAP fléisst ass deemno erof gaangen, vun ronn 55% an der  
Period 1988-1992 bis op ronn 38% an der aktueller Finanzperiod.

Fir 2021 bis 2027 hält den Drock op den EU-Budget weider zou. Duerch den Brexit  
entsteet en Lach vun 12 Milliarden, den duerch frësch Suen mais och duerch  
Aspuerungen an der Agrar- an an der Kohesiounspolitik soll opgefaange ginn. Dobäi  
kommen nei Erausforderungen wéi Migratioun, Verdeedegung, Recherche an méi  
global Agenda'en wéi den UN-Agenda 2030 fir nohalteg Entwécklung. Dat heescht dat  
den Undeel vun der Agrarpolitik am proposéierten EU Budget op 28,5% erof geet.  
Insgesamt wär dat eng Baisse vun nominal 5%, 4% fir Direktzuelungen, den  
sougenannten éischten Pilier, an 10% fir den Développement rural, den zweeten Pilier  
vun der PAC.

Wéivill déi europäesch Gelder zeréck ginn gesinn mer eréischt wann d'Negociatiounen  
ofgeschloss sinn.

Mir wäerten eis wéi gesot dofir asetzen dat den EU Budget eisen Ambitioun gerecht  
gëtt an sinn, wéi och zum Beispill Däitschland, dofir bereet fir méi an d'EU ze bezuelen.

**Am Fall wou et zu der Kierzung vu 5% vum EU-Agrarbudget sollt kommen, wéi eng Méiglechkeete besti fir lëtzebuerger Landwirtschaft zousätzlech ze ënnerstëtzen?**

**Wei eng vu dëse Méiglechkeete gedenkt Regierung an d'Aen ze faassen?**

Mir hunn eis och dofir ausgeschwat, dat wann d'EU Gelder zeréck ginn, dat des Baisse vun den Memberstaaten kann opgefaange ginn.

Gemenzt ass domadder den éischten Pilier an den zweeten Pilier.

Des Regierung wäert sech am Kader vun deenen kommenden Verhandlungen fir des Kompenséierung asetzen.

Et muss en wëssen, dat mer am zweeten Pilier elo schonn op all Euro den vun Bréissel kënnt, 4 Euro dropleeë. Déi Méiglechkeet wäerte mer an Zukunft och behalen an mir wäerten zu Bréissel fir eng maximal Flexibilitéit an dem Kontext plaidéieren.

-----